

Ш А Р Т Н О М А №1

умумий овқатлантириш хизмати кўрсатиш тўғрисида

Муборак шаҳар

30.12.2021 йил

“XIMLAB” масъулияти чекланган жамияти (кейинги ўринларда – **Ижрочи**) номидан жамият устави асосида фаолият кўрсатувчи жамият директори Н.Т.Рахимовани тимсолида бир тарафдан ва

“O’zbekneftgaz” акциядорлик жамияти (кейинги ўринларда – **Буюртмачи**) номидан ушбу жамият томонидан тасдиқланган Муборак нефть ва газ казиб чиқариш бошқармаси тўғрисидаги низом ва 04.03.2021 йилда берилган 12-1-54-сонли ишончнома асосида фаолият кўрсатувчи ушбу бошқарма директори Р.Ч.Шеровни тимсолида иккинчи тарафдан,

биргаликда “Тарафлар” деб аталадиганлар, Ўзбекистон Республикаси бош вазири, Инкирозга қарши курашиш республика комиссияси раҳбари А.Н.Арипов томонидан 25.11.2021 йилда тасдиқланган Инкирозга қарши курашиш республика комиссиясининг 209-сонли баёни 6-банди 3 хатбошиси ва “O’zbekneftgaz” АЖ бошқарувининг 09.12.2021 йилдаги 01-10-1/122-сон баёни 17-бандига асосан “O’zbekneftgaz” АЖ нефть ва газ казиб чиқариш бошқармалари ва заводларда меҳнат қилаётган ишчи-ходимларни 2021 йилда доимий уч маҳал иссиқ овқат билан таъминлаш тўғрисида тузилган шартномаларнинг амал қилиш муддати тугаганлигини ва 2022 йилда ишчи-ходимларни иссиқ овқат билан таъминлаш бўйича хизмат кўрсатувчи корхоналар билан музокаралар олиб бориш йўли орқали тўғридан-тўғри шартномалар расмийлаштиришга рухсат берилганлигини ҳисобга олиб, қуйидагилар тўғрисида ушбу шартномани (кейинги ўринларда – Шартнома) туздилар:

1. Шартнома предмети

- 1.1 Ушбу Шартнома бўйича Ижрочи Буюртмачининг топшириқларига мувофиқ 2022 йилда Шартноманинг 1.2 бандида кўрсатилган объектларида умумий овқатлантиришни ташкил этиб, Буюртмачининг ишчи ва хизматчиларини Тарафлар ўртасида келишиб олинган меню асосида уч маҳал иссиқ овқат ва озик-овқат маҳсулотлари билан таъминлаш билан боғлиқ умумий овқатлантириш хизматини кўрсатиш (кейинги ўринларда – Хизматлар), Буюртмачи эса бу Хизматлар учун Ижрочига ҳақ тўлаш мажбуриятини олади.
- 1.2 Ижрочи “Ўртабулоқ-Денгизқўл” НГКМ ишчилар шаҳарчаси, “Сомонтёпа” қони, “Тегермон қони”, “Ғарбий Тегермон” қони, “Узуншор” қони, “Сомонтёпа” қонидаги газни дастлабки тайёрлаш қурилмаси, “Сомонтёпа” қонидаги сиқув компрессор станцияси, “Ўртабулоқ” қони, “Ўртабулоқ” қонидаги сиқув компрессор станцияси, “Денгизқўл” қони, “Денгизқўл” қонидаги сиқув компрессор станцияси, МГҚИБ Ўртабулоқ участкаси, “Умид” қони, “Помук” қони, “Қултоқ” қони, “Алан” қони, “Қултоқ-Помук-Алан” қонлари ишчилар шаҳарчаси, “Гирсан Чулқувар” қони, Чулқувар қони қурилмаси, Қўриқлаш хизматининг Шода, Гирсан ва Чулқувар участкаси ва бошқарма ёнидаги чойхонада Буюртмачининг вахта услубида меҳнат қилаётган 1510 (бир минг беш юз ўн) нафар ишчи ва хизматчиларини Шартномага 1-иловадаги меню асосида уч маҳал иссиқ овқат ва 2-иловадаги меню асосида озик-овқат маҳсулотлари билан таъминлайди. Шунингдек Буюртмачининг талабномасига мувофиқ оловли ишларни бажариш учун жалб қилинган ишчи ва хизматчиларни, объектларга жалб қилинган мутахассисларни, зарур мақсадлар иштирокчиларини ва байрам тадбири иштирокчиларини келишилган меню асосида иссиқ овқат билан таъминлайди.
- 1.3 Хизматлар 2022 йил 1 январдан бошлаб 2022 йил 31 декабр куни ҳолатида кўрсатилади.
- 1.4 Хизматлар Ижрочи томонидан топширилиб, Буюртмачи томонидан қабул қилинганлиги тўғрисидаги далолатнома имзоланганидан бошлаб кўрсатилган ҳисобланади.

2. Тарафларнинг ҳуқуқ ва мажбуриятлари

- 2.1 Ижрочининг мажбуриятлари:
 - 2.1.1 Хизматларни намунали даражада ўзининг кучи ва озик-овқат маҳсулотлари ҳисобидан ҳамда Буюртмачи билан келишиб олинган меню асосида кўрсатиш;
 - 2.1.2 Ходимларни иссиқ овқат билан таъминлаш жараёнида ходимлар томонидан билдирилган таклиф ва талабларни ҳисобга олиб, кунлик бир киши учун иссиқ овқат харажатларидан ошиб кетмаган ҳолда Буюртмачи билан келишилган ҳолда кунлик овқатлантириш менюсига ўзгартириш киритиш;
 - 2.1.3 Хизматларни кўрсатиш жараёнида амалдаги меҳнатни муҳофаза қилиш, техника, хавфсизлиги ҳамда санитария ва гигиена қоидаларига риоя қилиш;
 - 2.1.4 Объектга олиб келинган озик-овқат маҳсулотларини қабул қилиш учун Буюртмачининг вакиллари иштирокида ишчи гуруҳ тузиб, озик-овқатлар қабул қилинганлиги тўғрисида далолатнома тузиш;

“XIMLAB” МЧЖ билан “O’zbekneftgaz” АЖ ўртасида тузилган шартнома

- 2.1.5 Маҳсулотларга пазандачилик ишлов бериш талабларига риоя қилиш, ошхонада сифати тез бузиладиган маҳсулотларни сотилиш ва сақланиши муддатларига риоя қилиш, хизмат кўрсатишга махсус тайёрловдан ўтган ва профилактик тиббий кўриқдан ўтган ишчиларга рухсат этиш, овқат тайёрлаш учун сифатли маҳсулотларни сотиб олиш ва фойдаланиш тартибларига риоя қилиш;
- 2.1.6 Умумий овқатлантиришни ташкил қилишда алкагол ва тамаки маҳсулотларни сотишга йўл қуймаслик;
- 2.1.7 Ошхонадаги асосий воситалар ва инвентарлардан фойдаланишда ўрнатилган тартибга, стандартларга, йўриқномаларига риоя қилишни таъминлаш;
- 2.1.8 Горози ўлчов асбобларини ўрнатилган тартибда доимий назоратдан ўтказиб бориш;
- 2.1.9 Хужжатларни расмийлаштиришда Хизматлар баҳоси ва коэффицентларни амалдаги норматив-ҳуқуқий ҳужжатлари ва прејскурантларга мувофиқ қўллаш;
- 2.1.10 Буюртмачига амалдаги қонун ҳужжатларига мос келадиган, ошпаз ходимлар хизмати орқали ишчилар ошхоналарида хизмат кўрсатиш жойлари учун Ахборот коммуникациялар технологиялари департаменти томонидан тасдиқлаб тақдим этилган “Dining” автоматлашган тизими маълумотлари асосида ва иш кунлари табеллари асосида ва ошпаз хизмати кўрсатилмайдиган озик овқат маҳсулотлари етказиб бериладиган кичик қонлар ва участкалар учун персонални бошқариш бўлими томонидан тасдиқлаб тақдим этилган иш кунлари табеллари асосида ҳамда тегишли буйруқ, фармойиш, билдирги ва бошқа тегишли ҳужжатлар асосида ва шартноманинг 1 ва 2 иловаларида келтирилган ҳафталик менюлар асосида далолатнома ҳамда счет-фактураларни расмийлаштириб кейинги ойнинг 10 санасигача топшириш;
- 2.1.11 Хизматлар ушбу Шартнома шартларидан чиққан ҳолда кўрсатилиб, Хизматлар натижаси ёмонлаштирилган бўлса, йўл қуйилган камчиликларни ўзининг ҳисобидан 1 (бир) иш куни давомида бартараф қилиш;
- 2.1.12 Шартнома муддати тугаганидан кейин умумий овқатлантириш объекти ва Буюртмачининг бошқа мол-мулкани зудлик билан Буюртмачига топшириш.
- 2.2 Буюртмачининг мажбуриятлари:**
- 2.2.1 Хизматлар кўрсатиш учун Ижрочига зарур шарт-шароитлар яратиш ва Ижрочининг ходимлардан мақсадли равишда фойдаланиш. Пайдо бўладиган масалаларни ҳал қилиш ва Ижрочи билан доимо алоқада бўлиш учун ўзининг маъсул вакилини ажратиш;
- 2.2.2 Иссиқ овқат харажатларини оширмаслик мақсадида хизматлар кўрсатилишини ташкил қилиш учун Ижрочига ошхона биноси, омборхона, вагон ошхоналар, ҳужжатларни юритиш ва сақлаш хоналари, ошпаз ходимлар учун хоналарни Буюртмачининг объектлардаги вакиллари ва Ижрочининг вакиллари иштирокида топшириш-қабул қилиш далолатнома тузиш орқали беғараз ажратиш;
- 2.2.3 Тақдим этилган асосий воситалар товар моддий бойликларни сақлашни таъминлаш талабларига, меҳнатни муҳофаза қилиш, ёнғин хавфсизлиги, тозалик меъёр ва талабларига мос келиши кераклиги, назорат органлари томонидан кўрсатилган камчиликларни бартараф қилиш;
- 2.2.4 Ижрочини қуйидагилар билан таъминлаш:
- зарур мебеллар, совутгичлар, технологик жиҳозлар, техник хизмат кўрсатиш ишлаб чиқариш ва жиҳозлари билан;
 - санитария талабларига мос келадиган иссиқлик ва электр энергиялари, сув таъминоти, оқова сув тармоқлари ва хизмат кўрсатиш, телефон алоқаси, локал ҳисоблаш тармоғи;
 - кўриқлаш ва ёнғин хавфсизлиги тизими, техник хизмат кўрсатиш ва ёнғин хавфсизлиги тизимини режали оғохлантирилган таъмири билан биргаликда;
- 2.2.5 Объектларда дезинфекция, дезинсекция, дератизация ишларини олиб бориш ва вентиляция тизимини ўрнатиш;
- 2.2.6 Ишдан чиққан совутгич, техник ва технологик жиҳозларни ўз вақтида алмаштириш, объектлардаги мебеллар ҳолатини назорат қилиш, ўз вақтида таъмирлаш ёки алмаштириш, ўз йуналиши буйича фойдаланишга яроқсиз Буюртмачи жиҳозларни билан Ижрочини иш куни бекор ўтишига йўл қуймаслик;
- 2.2.7 Ижрочининг Хизматларни кўрсатиш учун жалб қилинган ходимларига ётиб туриш хоналарини ажратиш;
- 2.2.8 Шартномада белгиланган миқдорда ва муддатда Шартноманинг 1.1. бандида назарда тутилган Хизматларни кўрсатганлиги учун Ижрочига Шартноманинг 4.3 бандида белгиланган тартибда ҳақ тулаш;
- 2.2.9 Ижрочига Шартноманинг бекор қилиниши туфайли етказилган зарарни кўрсатилган Хизматларнинг баҳоси билан ҳамма хизматлар учун белгиланган баҳо ўртасидаги фарқ доирасида тулаш.
- 2.3 Буюртмачи қуйидаги ҳуқуқларга эга:**
- 2.3.1 Ижрочининг фаолиятига аралашмаган ва Хизматларни кўрсатилишига ҳалакит бермаган ҳолда исталган вақтда Ишнинг бориши ва сифатини текшириш;
- 2.3.2 Ижрочидан меҳнат муҳофазаси, техника, газ ва ёнғин хавфсизлиги қоидаларига риоя этишни талаб қилиш;

“XIMLAB” МЧЖ билан “O’zbekneftgaz” АЖ ўртасида тузилган шартнома

- 2.3.3 Хизматлар натижаси ўзига топширилгунга қадар истаган вақтда Шартномадан воз кечиб, Ижрочиға белгиланган баҳонинг Шартномадан воз кечганлиги тўғрисидаги огоҳлантириш олингунга қадар кўрсатилган Хизматларга мутаносиб қисмини тўлаш.

3. Шартноманинг баҳоси ва тўловларни амалга ошириш тартиби

- 3.1 Буюртмачининг бир нафар ходимини бир кунда уч маҳал иссиқ овқат билан таъминлаш хизматининг баҳоси ҚҚС билан 54410 (эллик тўрт минг тўрт юз ўн) сўм 00 тийинни ва иссиқ овқат тайёрлаб бермасдан озик-овқат маҳсулотлари етказиб берилган кичик конлар ва участкалар объектлари бўйича ҚҚС билан 46342 (қирқ олти минг уч юз қирқ икки) сўм 00 тийинни, Шартноманинг умумий баҳоси ҚҚС билан 17 402 978 352 (ўн етти миллиард тўрт юз икки миллион тўққиз юз етмиш саккиз минг уч юз эллик икки) сўм 00 тийинни ташкил этади.
- 3.2 Ходимларни иссиқ овқат билан таъминлаш мақсадида озик-овқат маҳсулотларининг бозор нархлари кескин ўзгарганда, вахта усулида ишловчи қўшимча иш ўринлари яратилганида ва бошқа шу каби ҳолатларда тарафларнинг келишувига мувофиқ Шартнома баҳосига ўзгартириш ва қўшимчалар киритилиши мумкин.
- 3.3 Шартнома бўйича ҳақиқатда кўрсатилган Хизматларга ҳақ тўланади, иссиқ овқат тайёрлаб бермасдан озик-овқат маҳсулотлари етказиб берилган кичик конлар ва участка объектлари бўйича ҳисоб китоб қилинганда 1-илова менюга нисбатан ошпазнинг хизмат ҳақи чегириб қолинади ҳамда 2-илова менюга асосан ҳисоб китоб қилинади.
- 3.4 Буюртмачи навбатдаги ойда кўрсатиладиган Хизматлар баҳосининг 15 (ўн беш) фоизи миқдоридagi олдиндан тўловни ушбу ой бошланишига қадар, қолган қисмини Хизматлар топширилганидан сунг 10 (ўн) иш куни давомида Ижрочининг банкдаги ҳисоб рақамига пул кўчириш йўли билан ўтказиб беради.
- 3.5 Хизматлар кўрсатилганидан сунг Тарафларнинг келишувига мувофиқ Хизматлар баҳосига ўзгартириш ва қўшимчалар киритилиши мумкин.

4. Тарафларнинг жавобгарлиги ва низоларни ҳал қилиш тартиби

- 4.1 Шартномани бажармаганлик еки лозим даражада бажармаганлик учун жавобгарлик Ўзбекистон Республикасининг Фуқаролик кодекси, Ўзбекистон Республикасининг “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги қонуни ва бошқа норматив-ҳуқуқий ҳужжатлари ҳамда ушбу шартнома билан белгиланади.
- 4.2 Хизматларни кўрсатиш муддатлари кечиктириб юборилган ёки хизматлар кўрсатилмаган ҳолларда, Ижрочи Буюртмачига кечиктирилган ҳар бир кун учун мажбурият бажарилмаган қисмининг 0,5 фоизи миқдорида пеня тўлайди, бироқ бунда пенянинг умумий суммаси кўрсатилмаган хизматлар баҳосининг 1,0 (бир бутун унда ноль) фоизидан ошиб кетмаслиги лозим.
- 4.3 Кўрсатилган хизматлар ҳақини ўз вақтида тўламаганлик учун Буюртмачи Ижрочиға ўтказиб юборилган ҳар бир кун учун кечиктирилган тўлов суммасининг 0,4 фоизи миқдорида, аммо кечиктирилган тўлов суммасининг 1,0 (бир бутун унда ноль) фоизидан ортиқ бўлмаган миқдорида пеня тўлайди.
- 4.4 Ушбу Шартномани тузиш, бажариш, ўзгартириш ва бекор қилиш вақтида Тарафлар ўртасида келиб чиқадиган низолар, шунингдек етказилган зарарни қоплаш тўғрисидаги низолар уларнинг ўртасида музокара йўли билан ҳал қилинади.
- 4.5 Ижрочи кўрсатилган Хизматларнинг ҳажми ва баҳоси ортикча қўлланилганлиги бўйича тегишли Ички ва ваколатли текширув органларидан аниқланган тақдирда Ижрочи ва Буюртмачи томонидан ушбу ортикча деб қаралган Хизмат миқдори тўғри эканлигини исботлаб бера олмаса, Хизматларнинг исботланмаган ҳажми ва баҳоси миқдоридаги пул маблағлари Буюртмачига қайтариб тўлайди ёки Буюртмачи томонидан Ижрочиға кўрсатилган хизматлари учун тўланиши керак бўлган пул маблағларидан ушлаб қолинади.
- 4.6 Агар келишмовчиликларни музокара йўли билан ҳал қилиб бўлмаса, улар қонун ҳужжатларида белгиланган тартибда иктисодий судида қурилишига тегишли бўлади. Даъвогар талабнома юбориш тартибига риоя этиши шарт.

5. Коррупцияга қарши курашиш шартлари

- 5.1 Тарафлар коррупцияга қарши курашиш тўғрисидаги тартиб ва тамойилларга риоя қилиши (ўзининг мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга ҳилоф равишда фойдаланмаслиги, шунингдек бундай нафни қонунга ҳилоф равишда тақдим этмаслиги) шарт.
- 5.2 Тарафларнинг бири Шартноманинг 5.1 бандида кўзда тутилган шартларга риоя этмаса, иккинчи Тараф Шартномани бажаришдан тўла ёки қисман бош тортди, Шартномани тегишлича ўзгартириши ёки бекор қилиши мумкин. Бундай ҳолатларда Шартноманинг 5.1 бандида кўзда тутилган шартларга риоя этмаган

“XIMLAB” МЧЖ билан “O‘zbekneftgaz” АЖ ўртасида тузилган шартнома

Тараф иккинчи Тарафдан Шартномани ўзгартириш ёки бекор қилиш гуфайли етказилган зарарни тўлашни талаб қилига ҳақли эмас.

- 5.3 Ижрочи ушбу Шартнома бўйича Буюртмачи ходимларининг коррупцион ҳаракатларига тукнаш келса ёки бу каби ҳаракатларини билса, бу ҳақда қуйидаги алоқа йуллари орқали Буюртмачига хабар бериши зарар:
- Буюртмачининг + 998 (71)233- 28-88 рақамли ишонч телефониغا;
 - Буюртмачининг <http://www.ung.uz/contacts/> расмий сайтига;
 - Буюртмачининг “Facebook” тармоғидаги @uzbekneftgaz каналига;
 - Буюртмачининг Telegram каналидаги “UNG Общение”: @uzneftgazbot ботига;
 - Буюртмачининг почта манзилига тегишли матндаги хат билан.

6. Яқиний қондалар

- 6.1 Шартнома тарафларининг ўзаро қелишувига мувофиқ ёки бир тараф Шартнома шартларини жиддий равишда бузган тақдирда иккинчи тарафнинг талаби билан бекор қилиниши мумкин. Шартномани бир тарафлама бекор қилиш ёзма тақлиф бериш йўли билан амалга оширилади, тақлиф олингандан сўнг 7 (етти) кунлик муддат ичида унга жавоб олинмаган тақдирда Шартнома бекор қилинган деб ҳисобланади.
- 6.2 Тарафлар форс-мажор ҳолатлари (сув тошқинлари, ер қимирлаши ва бошқа табиий ҳалокатлар, шунингдек эпидемиялар, ёнгинлар, портлашлар, давлат ҳокимияти ва бошқаруви органларининг мазкур Шартнома ижросига бевосита таъсир кўрсатган қарорлари) мавжуб бўлганда, шартнома бўйича мажбуриятлар қисман ёки тўлиқ бажарилмаганлиги учун жавобгарликдан озод этилади.
- 6.3 Ушбу Шартноманинг шартлари ва ундаги маълумотлар, ҳамда Шартномани бажариш жараёнида олинган маълумотлар сир бўлиб ҳисобланади ва Шартноманинг амал қилиш муддати давомида, ҳамда Шартноманинг амал қилиш муддати тугаганидан сўнг 1 (бир) йил давомида Шартнома тарафининг розилигисиз учинчи тарафга ҳар қандай ҳолда ошкор этилмаслиги шарт.
- 6.4 Ушбу Шартномага киритилган ҳар қандай ўзгартириш ва қўшимчалар ёзма равишда расмийлаштирилган ва ваколатли шахслар томонидан имзоланганидан сўнг ҳақиқий деб ҳисобланади.
- 6.5 Ушбу Шартнома имзолангандан сўнг Тарафлар ўртасида Шартномани тузишга оид барча барча ёзма ва оғзаки қелишувлар, агар улар ушбу шартномага зид бўлса, ўз кучини йукотади.
- 6.6 Тарафлар ўзларининг юридик манзиллари ва бошқа реквизитлари ўзгарганлиги ҳақида бир-бирларини 3 (уч) кунлик муддатда хабардор қилишлари шарт.
- 6.7 Шартномага иловаларп унинг ажралмас қисми бўлиб ҳисобланади ва Шартномага қуйидаги ҳужжатлар илова қилинади:
- Илова № 1 – меню (иссик овқат тайёрлаш бериладиган ошхоналар учун)
 - Илова № 2 – меню (озик овқат етказиб бериладиган кичик қонлар ва участкалар учун)
 - Илова № 3 – Шартнома бўйича харажатларнинг ҳисоби
- 6.8 Шартнома ўзбек тилида ва бир хил кучга эга 2 (икки) нусхада тузилди, ҳамда Тарафларга бир нусхадан берилади.
- 6.9 Шартнома тузилган пайтдан бошлаб кучга киради ва Тарафлар учун мажбурий бўлиб қолади. Шартноманинг шартлари Тарафларнинг ўртасида 2022 йил 1 январдан бошлаб вужудга келган муносабатларга нисбатан қўлланилади, ҳамда 2022 йил 31 декабрь куни ҳолатига амал қилади.

7. Тарафларнинг манзили, реквизитлари ва имзолари

Ижрочи

“XIMLAB” МЧЖ

Бухоро вилояти, Бухоро шаҳри
тел. 83652285013
Х/р: 20208000804127396001
ҚҚБ Когон филиалида,
МФО 00087, ИНН 203650363
ОКОНХ 71300



Ижрочи

Буюртмачи

“O‘zbekneftgaz” АЖ

100047, Ўзбекистон Республикаси, Тошкент
шаҳар, Истикбол кўчаси, 21 уй,
e-mail: kans@uzneftgaz.uz / info@ung.uz
тел.+99871 236 02 10, факс +99871 236 77 71
х/р 2021 0000 8001 2433 9001 АТ “СҚБ”
Тошкент шаҳар Яшнобод филиалида,
МФО 00432, СТИР 200 837 914,
ИФТК 84111, ОКПО 000 375 17



Р.Ч.Шеров

5 бетнинг 4 бети

Буюртмачи



